



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1384/09
Sarajevo, 12.5.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 12.5.2009.			
Organizaciona jedinica	Klasifikaciona oznaka	Radni broj	Broj priloga
01-50-1384/09			

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 86. sjednici održanoj 7.5.2009. godine, utvrdilo je Odgovor na zastupničko pitanje koje je Selim Bešliagić, zastupnik u Zastupničkom domu Parlamentarne skupštine Bosne i Hercegovine, postavio na 50. sjednici ovog doma održanoj 1.4.2009. godine.

U pravitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1384/09
Sarajevo, 7.5.2009. godine

Selim Bešliagić poslanik u Predstavničkom domu Parlamentarne skupštine Bosne i Hercegovine na 50. sjednici Predstavničkog doma održanoj 01.04.2009.godine, postavio je sljedeće pitanje:

„ Napominjem da je Bosna i Hercegovina jedina zemlja u Evropi koja nema Pravilnik o prirodnim izvorskim i mineralnim vodama. Dakle imamo potpuno ne regulisano stanje u ovoj oblasti na bosanskohercegovačkom tržištu. To naravno koriste proizvođači ovih proizvoda iz okruženja. Istovremeno su ti proizvođači izlobirali da u njihovim istovjetnim Pravilnicima budu ugrađene određene odredbe koje praktično onemogućavaju izvoz izvorskih i mineralnih voda iz Bosne i Hercegovin. Ulazimo u vrijeme kad je voda najdragocjeniji resurs na svijetu, a mi koji bi smo svijetu mogli izvoziti vodu, dozvolili smo sebi da uvozimo vodu u enormnim a prije svega nepotrebnim količinama, prema onim izvještajima oko 100 miliona konvertibilnih maraka.

Pitanje glasi:

-Zašto mi u BiH još uvijek nemamo pomenuti pravilnik, odnosno kad ćemo dobiti Pravilnik o prirodnim izvorskim i mineralnim vodama ? Napominjem da u njima moraju postojati odredbe recipročne odredbama iz istovjetnih Pravilnika iz zemalja u okruženju ”

Na postavljeno delegatsko pitanje, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine („Službeni glasnik BiH”, broj 38/02), na 86. sjednici održanoj 7. 5. 2009.godine utvrdilo je sljedeći

ODGOVOR

Agencija za sigurnost hrane Bosne i Hercegovine u saradnji sa nadležnim organima entiteta i Brčko Distrikta Bosne i Hercegovine u skladu sa odredbama članova 16. i 17. (2) Zakona o hrani („Službeni glasnik BiH, broj 50/04) priprema i inicira izradu propisa iz oblasti hrane. Agencija je u saradnji sa nadležnim organima izvršila izradu Pravilnika o prirodnim mineralnim i prirodnim izvorskim vodama, sprovela svu zakonsku proceduru i dostavila Upravnom odboru Agencije za VII sjednicu koja je održana 29.05.2008. godine. Zaključak sa

VII sjednice Upravnog odbora Agencije je da se u proceduru upućivanja prema Vijeću ministara radi donošenja dostave i Pravilnik o stonim vodama i Pravilnik o zdravstvenoj ispravnosti vode za piće, a sve nakon stavljanja van snage Zakonom o flaširanim pitkim vodama Bosne i Hercegovine („Službeni glasnik BiH“, broj 45/04).

Odmah po usvajanju zaključaka sa VII sjednice Upravnog odbora Agencije, pristupili smo pripremi i izradi Pravilnika o stonim vodama i Pravilnika o zdravstvenoj ispravnosti vode za piće, te prednacrt istih dostavili nadležnim organima entiteta i Brčko Distrikta Bosne i Hercegovine, kao i ekspertima u Bosni i Hercegovini iz ove oblasti, radi dobivanja mišljenja i komentara na upućene im prednacrt, dana 10.10.2008. godine.

Parlamentarna skupština Bosne i Hercegovine je na 34. sjednici Zastupničkog doma, održanoj 03. septembra 2008. godine, i na 21. sjednici Doma naroda, održanoj 17. septembra 2008. godine, usvojila Zakon o prestanku važenja zakona o flaširanim pitkim vodama Bosne i Hercegovine („Službeni glasnik BiH“, broj 83/08) od 14. oktobra 2008. godine.

Nakon dobivanja mišljenja i komentara na Pravilnik o stonim vodama i Pravilnik o zdravstvenoj ispravnosti vode za piće, od strane institucija BiH, nadležnih organa entiteta i Brčko Distrikta BiH, isti se ugrađuju, te u sklopu zakonske procedure, konačnu formu Agencija dostavlja članovima Upravnog odbora Agencije, a nakon održane sjednice Upravnog odbora Agencije, nacrt Pravilnika o prirodnim mineralnim i prirodnim izvorskim vodama, Pravilnika o stonim vodama i Pravilnika o zdravstvenoj ispravnosti vode za piće Agencija dostavlja Vijeću ministara BiH radi donošenja istih.

Svi navedeni materijali su pripremljeni za Upravni odbor Agencije, ali je veoma bitno naglasiti da Upravni odbor Agencije nije održao sjednicu od 20.11.2008. godine, što predstavlja posebnu teškoću u funkcionisanju rada Agencije.